

Publicaziuns officialas dils 4 da settember 2026

Vischnaunca Trun

Elecziun dalla suprastanza communal

dils 27-09-2026 – Perioda d’uffeci 2027-2029

per quellas elecziuns valan suandontas persunas sco proponidas:

President communal:

Tomaschett Dumeni, en uffeci

Geraua/Geraus

Della Valle Martino, en uffeci

Menzli Silvana, en uffeci

Wolf Kurt, en uffeci

1 post vacant

Administraziun communal Trun

Pleiv catolica romana Trun

Viadi da pelegrinadi a Feldkirch, mesjamna, ils 23-09-2026

Uonn ei il giubileum da 800 onns dapi la mort da pader Franz d’Assisi, aschia meina nies viadi da pelegrinadi nus a Feldkirch tier la claustra dils Caputschins.

Program:

08:00 partenza

10:00 beinvegni e viseta dalla claustra

12:15 gentar communabel

14:00 guida tras il marcau (tgi che po)

16:00 viadi da retourn

18:00 arrivada

Annunzias ed informaziuns tier nossa secretaria, 079 714 22 50, sekretariat@pleivtrun.ch. Nus selegrein da stedia participaziun.

Biblioteca Trun

Venderdis, ils 4 da settember allas 14.30 viseta il lieuret Pauli la Biblioteca. Affons denter 3 e 6 onns cun bab ni mumma, tat ni tatta ein cordialmein envidai da vegni e tedlar.

Las bibliotecaras selegran sin vossa viseta.

Museum Sursilvan Cuort Ligia Grischa

Sera d'inscunter e discuors cun Beat Manetsch

Sonda, ils 5-09, 19:00 sentupein cun Beat Manetsch e discurren sur da sia via tier igl art.

La Tavolata

Sonda, ils 3-10 ha liug nossa Tavolata, ina sera el temps medieval cun ina tscheina da pliras tratgas dalla Ustria dalla Staziun Sumvitg-Cumpadials. Informaziuns anfleis sin nossa pagina da web.

il team dil museum

Uniun da dunnas Trun/Zignau

Spassegiada d'atun a Surrein

Bugen envidein nus vus ad ina sentupada ella Destillaria Candinas a Surrein. **Mardis, ils 15 da settember 2026**, allas 18.23 cul tren tochen Rabiis. Spassegiada: naven da Rabiis tochen Surrein. Ella Destillaria survegnin nus ina cuorta guida e silsunter havein nus peda da seser ensemen e guder ina biala sera cun ina buna platta carn ed in bien dessert. Il transport a casa vegn organisau dil comité. Sch'enzatgi po buca far la spassegiada naven da Rabiis tochen Surrein a pei astga ella bugen s'annunziar tier la cassiera (ramypetschen@hotmail.ch; 079 443 63 69) ed ei vegn organisau in transport. Il bigliet pil tren procura mintgina sezza. Bugen spitgein nus voss'annunzia tochen dumengia, ils 13 da settember. Nus selegrein sin ina biala ed emperneivla sera.

il comité

Iudoteca Disentis/Mustér e contuorn

Mira sut Disentis/Mustér.